

Na osnovu člana 13. Zakona o principima lokalne samouprave u FBiH ("Službene novine Federacije BiH", broj: 49/06 i 51/09), člana 19. stav 1. alineja 35. Statuta Općine Novo Sarajevo ("Službene novine Kantona Sarajevo", broj: 35/10) i članova 64. - 70. Poslovnika Općinskog vijeća Novo Sarajevo - prečišćeni tekst ("Službene novine Kantona Sarajevo", broj: 37/13), Općinsko vijeće Novo Sarajevo, na 7. sjednici održanoj dana 27.04.2017. godine, donijelo je

**PROGRAM
O IZMJENAMA PROGRAMA RADA
OPĆINSKOG VIJEĆA NOVO SARAJEVO ZA 2017. GODINU**

I.

U Tematsko-analitičkom dijelu Programa rada Općinskog vijeća Novo Sarajevo za 2017. godinu, tema pod brojem 21. mijenja se i glasi:
„Informacija o dostavljenom periodičnom Izvještaju Kantonalnom ministarstvu finansija za period 1. januara -31. marta 2017. godine“.

II.

U Tematsko-analitičkom dijelu Programa rada Općinskog vijeća Novo Sarajevo za 2017. godinu, tema pod brojem 34. mijenja se i glasi:
„Informacija o dostavljenom periodičnom Izvještaju Kantonalnom ministarstvu finansija za period 1. januara - 31. juna 2017. godine“.

III.

U Tematsko-analitičkom dijelu Programa rada Općinskog vijeća Novo Sarajevo za 2017. godinu, tema pod brojem 47. mijenja se i glasi:
„Informacija o dostavljenom periodičnom Izvještaju Kantonalnom ministarstvu finansija za period 1. januara - 30. septembra 2017. godine“.

IV.

Komisija za statut i propise utvrdit će prečišćeni tekst Programa rada Općinskog vijeća Novo Sarajevo za 2017. godinu.

V.

Ovaj Program stupa na snagu danom donošenja.

Broj: 01-05-313/17
Sarajevo, 27.04.2017. godine



OBRAZLOŽENJE

Pravno osnov za donošenje ovog Programa sadržan je u odredbama člana 13. Zakona o principima lokalne samouprave u FBiH ("Službene novine Federacije BiH", broj: 49/06 i 51/09), člana 19. stav 1. alineja 35. Statuta Općine Novo Sarajevo ("Službene novine Kantona Sarajevo", broj: 35/10) i članova 64. - 70. Poslovnika Općinskog vijeća Novo Sarajevo - prečišćeni tekst ("Službene novine Kantona Sarajevo", broj: 37/13).

Kolegij Općinskog vijeća je, kao ovlašteni predlagač Programa rada Općinskog vijeća, shodno članu 33. Poslovnika Općinskog vijeća, utvrdio prijedlog Programa o izmjenama Programa rada Općinskog vijeća Novo Sarajevo za 2017. godinu, na svojoj 8. sjednici održanoj dana 10.04.2017. godine. Razlog podnošenja prijedloga Programa o izmjenama Programa rada Općinskog vijeća Novo Sarajevo za 2017. godinu leži u činjenici da je na 6. sjednici Općinskog vijeća, od dana 30.03.2017. godine, usvojena Odluka o izvršavanju Budžeta Općine Novo Sarajevo za 2017. godinu, kojom je u članu 27. iste utvrđena obaveza Općinskog načelnika o podnošenju Informacije o dostavljenom Izvještaju Kantonalnom ministarstvu finansija o izvršenju Budžeta Općine za period od tri mjeseca (kvartalni izvještaji o izvršenju Budžeta Općine), za periode: 1. januara – 31. marta, 1. januara – 30. juna i 1. januara – 30. septembra tekuće godine. S obzirom da je prijedlogom Programa rada Općinskog vijeća Novo Sarajevo za 2017. godinu, a u vezi sa pomenutom Odlukom, bilo predviđeno podnošenje Izvještaja, te da je došlo do prednje navedene izmjene, usvojeni Program rada Općinskog vijeća Novo Sarajevo za 2017. godinu, potrebno je izmjeniti u konkretnom, tematsko-analitičkom dijelu, kako bi Općinsko vijeće i ovlašteni podnosilac mogli blagovremeno planirati svoje aktivnosti i zadatke, u cilju ispunjenja zadataka predviđenih Programom rada Općinskog vijeća Novo Sarajevo za tekuću godinu.

S obzirom na izneseno, Kolegij Općinskog vijeća predlaže Općinskom vijeću da donese predloženi Program o izmjenama Programa rada Općinskog vijeća Novo Sarajevo za 2017. godinu.

Kolegij Općinskog vijeća

